

Na osnovu člana 52. Zakona o obrazovanju odraslih („Službene novine Kantona Sarajevo“, broj: 40/15, 40/20) i Odluke broj: 77/24 od 21.02.2024. godine Centar za edukaciju i istraživanje „Nahla“ raspisuje:

JAVNI KONKURS

za upis polaznica na Program neformalnog obrazovanja „Obuka za User interfejs/User experience design“ za obrazovnu 2023/2024. godinu

I OSNOV IZVOĐENJA PROGRAMA

Centar za edukaciju i istraživanje „NAHLA“ upisan je u Registar organizatora obrazovanja odraslih pod rednim brojem 3. na strani 3. Rješenjem Ministarstva za obrazovanje, nauku i mlade Kantona Sarajevo, broj: 11/04-38-15748-7/17 od 7. decembra 2017. godine.

Obuka za User interfejs/User experience design je akreditovani neformalni program po rješenju Ministarstva za obrazovanje, nauku i mlade Kantona Sarajevo, broj: 11/04-38-7637-2/20 od 20. augusta 2020. godine.

II OPĆI I POSEBNI UVJETI ZA UPIS

- a) državljanstvo BiH
- b) minimalno SSS, III ili IV stepen
- c) kandidatkinje starije od 18 godina
- d) osnovno poznavanje rada na računaru (Microsoft Office paket, s naglaskom na MS Word)
- e) osnovno poznavanje Adobe paketa (Adobe Illustrator, Adobe Photoshop).

III BROJ KANDIDATKINJA KOJE SE MOGU UPISATI NA PROGRAM

- a) Jedna obrazovna grupa od po 15 kandidatkinja maksimalno u okviru jedne obrazovne grupe.

IV NAČIN REALIZACIJE PROGRAMA OBRAZOVANJA I TRAJANJE

Način realizacije programa su predavanja i vježbe, te drugi primjereni načini u skladu s definiranim programom.

Program traje 120 časova, pri čemu jedan čas traje 45 minuta. Nastava će se odvijati 3 puta sedmično u poslijepodnevnim satima i definirat će se Ugovorom o edukaciji. Početak nastave je: 18.04.2024.

V TRAJANJE PROGRAMA I UVJETI ZA ZAVRŠAVANJE

S ciljem utvrđivanja ispunjenosti općih i specifičnih ishoda učenja, vrednovanje će biti formativno (kontinuirano u toku odvijanja obuke) i sumativno (na kraju svakog nastavnog modula).

Oblici vrednovanja uključuju zadaće i vježbe koje se realiziraju tokom nastave te završnu prezentaciju rješenja planiranu u posljednjem modulu. U toku petog modula polaznici će imati vježbu da riješe određeni zadatak kroz formu UX/UI, kroz webstranicu ili mobilnu aplikaciju. Zadaća u toku trajanja obuke je obavezna i predstavlja uslov za pristup završnoj prezentaciji.

Uslov za pristup završnom ispitu čine:

- uredno realizovana zadaća (minimalno 70% po svakom modulu),
- prisustvo nastavi (minimalno 70% po svakom modulu)

Uvjerenje o završenom usavršavanju dobit će polaznica koja ostvari minimalno 60% ukupnog broja bodova predviđenih programom.

VI NAZIV ISPRAVE KOJA SE IZDAJE PO ZAVRŠETKU PROGRAMA

Po završetku Programa i zadovoljavanju svih kriterija polaznici će biti izdata odgovarajuća isprava o obrazovanju kojom se potvrđuje da je ustanova provjerila i potvrdila ishode učenja i to:

- Uvjerenje o završenom usavršavanju.

VII VISINA ŠKOLARINE

Visina troškova školarine utvđuje se u skladu s Odlukom direktorice Organizatora obrazovanja odraslih broj: 78/24. Iznos školarine je: 275 KM.

VIII SPISAK POTREBNE DOKUMENTACIJE

- a) Prijava za upis koja se preuzima lično u ustanovi;
- b) Izvod iz matične knjige rođenih
- c) Potvrda o mjestu prebivališta – CIPS
- d) Uvjerenje o državljanstvu
- e) Svjedočanstvo o završenoj srednjoj školi (najmanje III stepen) ili Diploma o završenoj visokoj stručnoj spremi.

Konkursna dokumentacija dostavlja se u originalu ili ovjerenoj fotokopiji, ne starijoj od 6 mjeseci od dana objave konkursa. Nepotpune i neblagovremene prijave neće se uzimati u razmatranje.

IX ROK ZA PREDAJU PRIJAVA I NAČIN PRIJAVE

Konkurs je otvoren najkasnije do 25.03.2024. do 15:00.

Prijave za upis s potrebnom dokumentacijom polaznice koje uspješno polože ulazno testiranje dostavljaju lično ili preporučenom poštom svakim radnim danom i nedjeljom od 9:00 do 17:00 h na adresu: Centar za edukaciju i istraživanje „NAHLA“, Džemala Bijedića 122, 71000 Sarajevo, s naznakom „Prijava za upis na program neformalnog obrazovanja Obuka za User interfejs/User experience design za obrazovnu 2023/2024. godinu“. Kandidatkinje koje posjeduju certifikat o ispunjavanju tačke *d. i e. odjeljka II Opći i posebni uvjeti za upis* nisu u obavezi realizirati ulazno testiranje. Sve dodatne informacije mogu se dobiti na broj 033/710-650; Fax: 033/710-651, E-mail: edukacija@nahla.ba.

X RANGIRANJE KANDIDATKINJA

Ukoliko se u okviru konkursne procedure prijavi više kandidatkinja nego što je definirano u odjelu III, cijenit će se po osnovu člana 52. stav 3 Zakona o obrazovanju odraslih („Službene novine Kantona Sarajevo“, broj: 40/15, 40/20).

XI ROK ZA OBJAVU REZULTATA KONKURSA

Rezultati konkursa bit će objavljeni najkasnije u roku od 8 dana od datuma zatvaranja konkursa na web stranici Organizatora obrazovanja odraslih.

XII POUKA O PRAVNOM LIJEKU

Kandidatkinje koje ne budu primljene na neformalni program obrazovanja na koji su konkurisali imaju pravo prigovora izvršnoj direktorici Organizatora obrazovanja odraslih u roku od 5 dana od prijema obavještenja o rezultatima konkursa.

Za sve ostalo što nije navedeno u konkursu primjenjivat će se odredbe Zakona o obrazovanju odraslih („Službene novine Kantona Sarajevo“, broj: 40/15, 40/20) i ostali podzakonski akti koji regulišu oblast obrazovanja odraslih.

Broj: 79/24

Sarajevo, 21.02.2024.

IZVRŠNA DIREKTORICA



Elvira Leka

